



## **Universitätsbibliothek Paderborn**

### **Metropolis Salisvrgensis**

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarium, ac loca quædam vicina

**Hund, Wiguleus**

**Monachii, 1620**

Ego Innocentius Catholicae Ecclesiae Episcopus.

**urn:nbn:de:hbz:466:1-13591**

fratres communi consensu, aut pars sanioris consilij secundum Dei timorem & B. Augustini regulam canonice prouiderint eligendum. Sepulturam quoque ipsius loci liberam esse concedimus, vt eorum, qui se illic se peliri deliberauerunt extremæ voluntati & deuotioni nullus obstat, nisi fuerint excommunicati, saluâ tamen justitiâ matris Ecclesiaz.

Decernimus ergo ut nulli omnino hominum liceat præfatum Cœnobium temerè perturbare, aut eius bona vel possessiones auferre, vel ablatas temerè retinere, minuere, seu quibuslibet indebitis exactiōibus, vel molestiis fatigare: sed omnia integra conseruentur eorum pro quorum gubernatione ac sustentatione concessa sunt vobis omnimodis profutura, salua nimis Saltzburgenſis Archiepiscopi, & Patavienſis Episcopi debita iustitia. Si qua igitur in futurum ecclesiastica secularisue persona hanc nostræ constitutionis paginam Iciens contra eam venire temerè tentauerit, secundò, tertioq; commonita, si non satisfactiōne congrua reatum suum correxerit, potestatis honorisq; sui dignitate careat, reamq; se diuino iudicio existere, de perpetrata iniquitate cognoscat; & à sacratissimo corpore & sanguine Dei & Domini nostri Iesu Christi aliena fiat, atque in extremo examine disticta vltioni subiaceat. Addentes etiam interdicimus, ut nemini professionis vestrae facultas sit alicuius levitatis instiſtu, vel arctioris religionis obtentu sine Præpositi, vel congregationis licentia de clastro discedere. Quod si discesserit, nullus Episcoporum, nullus Abbatum, nullus monachorum sine communium, literarum cautione eum suscipiat, quamdiu videlicet in Ecclesia vestra Canonici ordinis tenor Domino præstante viguerit. Si vero secundò vel tertio vocatus redire contemplerit, liceat eiusdem loci Præposito canonicam in eum proferre sententiam. Cunctis autem eidem Ecclesiaz iusta seruantibus, sit pax Domini nostri Iesu Christi, quatenus & hic fructum bonæ actionis percipiant, & apud distictum Iudicem premia æternæ retributionis inueniant Amen.

Ego Innocentius Catholice Ecclesiaz Episcopus.

Ego Conradus Sabinensis Episcopus. Ego Albericus Hostienſis Episcopus. Ego Stephanus Praenestinus Episcopus. Ego Otto Diaconus Cardinalis S. Georgij ad velum aureum. Ego Martyrius presbyter Cardinal, Tituli S. Stephani. Ego Boëtius presbyter Cardinal. Tit. S. Clementis. Ego Petrus presbyter Cardinal, de Tit. Pastoris. Ego Hubaldus presbyter Cardinal, Tit. S. Braxedis. Ego Hubaldus presb. Cardinal, Tit. SS. Ioannis & Pauli. Ego Vasallus Diac. Cardinal. S. Eustachij. Ego Petrus Diac. Cardinal. S. Maria de portu. Dat. Laterani VI. Id. Ian. per manum Gerardi S. Rom. Eccl. presbyteri Card. & Bibliothecarij, Indict. V.

IN NOME sanctæ & indiuiduæ Trinitatis. Ego Luitpoldus Dux Bauuariae Dei gratia cupiens hæreditare beatitudinem, de qua dicitur, Beatus qui intelligit super egenum & pauperem, egenorum & pauperum Christi in Cœnobia Richenspergenſe, Deo militantium, intellexi paupertatem, simulque animaduerti quædam, eorum prædia vastata, dum exercitus vel patre meo Luitpoldo, vel me ipso ducente per terras eorum iret ac rediret. Vnde comonitus à præfati Præpositi Cœnobia Gerhohio, ad vobis fratrum inibi Deo seruientium ac seruiturosum ex nunc imposterum tradidi duo beneficia in villa quæ dicitur Laubes cum omnivilitate ad illa pertinente. Scientes autem quod hilarem datorem diligit Deus, & hic sine dubio est hilaris dator, qui

Metrop. Salisb. Tom. III.

u

mensu-